

P R I N C I P A T V S C I T E R I O R .

xxxv. Cives ossa D. Andreae se servare adfirmant. Nobiles ibi familiae d' Afflitto & dello Riccio.

*Salernum.* Succedit antiqua civitas *Salernum*. Colonis concensent Livius libro xxxiv, Paterculus, Frontinus. Urbs & Principatus & Archiepiscopatus titulum sustinet. Academiam habet, quae consultata aliquando ab Anglorum rege de conservanda valetudine, consilium, quod exstat typis excusum, transmisit. In ea superioribus annis docuit *Augustinus Niphus*, celebris Philosophus: Iurisprudentiam ibi professus est *Robertus Moranta*, Speculi Aurei auctor. Nunc temporis injuria & aliarum Academicarum, quae vicinae sunt, splendore valde est obscurata. Primarium templum D. Matthaeo dicatum, cujus ibi corpus servari fertur. Nobilitarunt patriam *Salernam*, praeter alios, *Iacobus Solimenius* Medicus, cum *Antonio* filio, *Bartholomeus Salvanius*, Pandectarum Medicinalium Auctor, aliique multi. Familiae Nobiles hic non paucae. Ager infinitis pomorum variorumque fructuum generibus abundat.

*Ebolum.* Ab Salerno decem millia emenso offert se *Ebolum*, haud procul amne Silaro opulentum oppidum. unde *Luci Eboli*, silva perinfamis.

*Iunonis Argivae Templum.* Ultra Silarum Lucani sunt, & in eis primum locus videtur, ubi olim *Iunonis Argivae Templum*; ab Iasone conditum. Hinc l. stadiis antiquis temporibus fuit *Pestum*, Graecis ποσειδωνία. De eo *Virgilius* lib. IIII *Georg.*

----- *Biferique Rosaria Pæsti.*

Ad quem locum *Servius Pæstum* Calabriae facit civitatem, ubi bis quotannis rosae generantur. *Lucaniam* enim Calabriae, universon sumptur, magni viri concensent. *Strabo* conditam ποσειδωνία tradit in littore ab *Sybaritis*; *Solinus* ab *Dorensibus*. Inter Colonias est *Livio & Paterculo*. Incolae *Pæstani* vel *Posidoniates*. *Pæstanum* fuisse *Parmeniadem*, qui Olympiade xci vicin, docet *Halicarnass.* lib. ix. A *Pæsto Pæstano Valles*, *Pæstanus Sinus*, aliis *Posidoniates*, qui hodie *Golfo Acropolitano* apud *Leandrum*, di *Salerno* apud *Ananiensem & Mazzellam*, ab opidis vicinis. *Pæstana rose* leguntur apud *Ovidium de Arte Amandi*: & *Odorati Rosaria Pæsti* apud *Propertium*. Hoc oppidum *Acropoli Pontano* censetur; *Gripoli Nigro*: nomen retinet apud *Leandrum*. *Posidonia* certe nunc tota propemodum extincta jacet, vestigiaque tantum quibusdam partibus supersunt, cum mœniorum, tum antiquorum aedificiorum. In littore porro post sex millia oppidum est *Acropolis*, ab *Silari ostio* M. XII.

*Acropolis.* Aëre gaudet præstantissimo. Originis esse Graecae, ut hoc tractu pleraque, ipsum indicat nomen. Deinde quarto Lapide *Castellum Abbatis* est, *Castello dell' Abbate*: hinc octavo *Turris Marina Bruccana*, *Torre di Mare di Brucca*. Quam *Veliam* multi esse censent, conditam tempore *Ser. Tullii*, VI Romanorum regis, ab *Phocænsibus*, quos *Harpalus Cyri* regis praefectus patria fugarat. *Posidonia* distabat c c stadiis. *Parmeniadem*, *Zenonemque* Pythagoreos originem ex *Elia*

traxisse perhibet *Strabo*: *Velia* plerisque, ubi hodie *Torre di Mare di Brucca* est, fuisse censetur: *Gabrieli Barrio* putatur *S. Bonifacio*; *Mario Nigro*, *Vlastra*; *Pyrrho Ligorio*, *Policaastro*; *Pandulpho* denique, *Scalea*. Succedit oppidum in littore nunc *Pisciota*: quod *Buxentum* *Plinio*, *Mela*, *Silio*. Nomen illi fortean à *Buxo*, cujus mira eo tractu copia. *Colonos* eò bis ab Romanis deductos memorat *Livius*. Sunt qui putant *Buxentum* fuisse, ubi hodie *Behvedere*; *Ligorius*, ubi *Foresta*. Post *Palinuri* promontorium in monte, qui mari imminet, ruinae conspiciuntur opidi *Molpha*, à praedonibus subversi ad *Melphim* fluvium praeterfluentem. Sequitur inde *Policastrum*, nobilis urbs, Ducatus titulum sustinens, *Episcopatusque* fulgens dignitate. Vnde *Sinus* vulgo *Golfo di Policaastro*.

*Mediterranea* quod attinet hic, dextra ejus via, quae ducit ad *Calabros*, in collibus *Sera* videtur, ab oppido *Salernitano* xxii distans milliaribus. Inde *Pistilonium*, *Pistiglione*, *Castellutium*, *Castelluzzo*, *Cicinianum*, *Cizignano*, *Petina & Auleta*. Rursus ab *Silaro*, via *Calabricae laeva*, *Pallum*, *Pallo*, cernitur; inde *Contutium*, *Contuzzo*, *Buccinum*, *Buccino* vel *Bucino*, *Bocino*, olim *Volceium*. In montibus praeterea sunt inter *Silarum & Auletam* *Consentinum & Castellum S. Angeli*. Ultra *Auletam* tertio lapide *Pola* videtur, post quam *Diana Vallis* incipit; *Valle di Diana*: quae densitate arborum perobscura est, praefertim ilicum, tantae altitudinis, ut caelum cacuminibus attingere videantur: cujus ingressu, dextra, secundum amoenissimos *Apennini* colles *P.M.* à *Pola* duobus *Sanctararsenium*, *S. Arsenio*, occurrit; una cum *Pola & aliis*, *Salernitani Principis* patrimonium.

Ulterius in collium flexu non procul à mari urbs est *Capacia*, olim frequens admodum, & opulenta, Ducatus *Episcopatusque* (qui *Caputagenensis*) titulo insignis, sed hac tempestate propemodum deserta, propter adlusiones. Ab *Sanct-Arsenio* M.P. ad pedem collis *San-Petrium* est, *S. Pietro*, inde *San-Rufum*, *S. Ruffo*: hinc *Dianium*, *Diano*, est oppidum dives & nobile; à quo valli universae nomen. Duobus *Diano* milliaribus *Castellum S. Iacobi* est, *S. Giacomo*; hinc uno *Satianum*. Ulterius *Bon-habitaculum* est, *Buon-Habitaclo*. Ad ejusdem vallis laevam, si à *Pola* Septentriones versus declines, inter montes *Potentia* reperitur, *Potenza* vulgo. In vallem *Dianiam* redeunti, sinistra secundum colles, quatuor *Pola* milliaribus *Atenum* adparet; cujus incolae *Atinates* *Plinio*. Inde totidem *Gala*, *Salernitani Principis* castellum; hinc rursus eodem spatio *Padula* oppidum, *Marchionatus* inclutum dignitate. Sequitur mox spatio quatuor item milliar. *Montesanusum*, ubi vallis coarctari incipit, usque ad finem decrescens. Postremum eodem intervallo *Casale Novum* est, *Casal Nuovo*. Silva peregrinali peragrata, itinereque octo milliarium per praecellos & difficiles *Lucaniae* montes, antiquis celebratissimos, factò, in *Basilicatam* tenditur.

*Pisciota olim Buxentum.*

*Molpha Policastrum.*

*Mediterranea.*

*Capacia Ducatus Episcopatus.*